

ՊԱՅՄԱՆԱԳԻՐ N ՀՀՀ-ՄԱԾՁԲ-20/36-Պ

ք.Երևան

27-ը օգոստոսի 2020թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրենի ժամանակավոր պաշտոնակատար Ա.Սարգսյանի, ով գործում է Հայաստանի հանրային հեռուստառադիոընկերության խորհրդի 21.04.2020թ.-ի թիվ 16-Ա որոշման հիման վրա, մի կողմից, և

«Ինդիվիդուալ կաստինգ» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Լ.Հովհաննիսյանի, ով գործում է ընկերության Կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

ստորագրեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուի առաջադրանքով մատուցել սույն Պայմանագրի 1.2. կետի պահանջներին բավարարող դերասանների (այսուհետ՝ Դերասաններ) տրամադրման ծառայությունները (այսուհետ՝ Ծառայություններ), իսկ Պատվիրատուն պարտավորվում է ընդունել պատշաճ մատուցված Ծառայությունները և վճարել դրանց դիմաց սույն Պայմանագրով նախատեսված կարգով, չափով և ժամկետում:
- 1.2. Կատարողը պարտավոր է տրամադրել թվով 4 (չորս) Դերասաններ, ըստ որի 1 (մեկ) դերասան պապիկի կերպար խաղալու համար 65-70 տարեկան հասակի, երկար մորուքով, 1 (մեկ) դերասան հայրիկի կերպար խաղալու համար 45-50 տարեկան հասակի, 1 (մեկ) դերասան մայրիկի կերպար խաղալու համար 35-40 տարեկան հասակի, կարճ մազերով, 1 (մեկ) դերասան երեխայի կերպար խաղալու համար 12-14 տարեկան հասակի, գանգուր մազերով: Կողմերը արձանագրում են, որ կոնտենտ(ներ)ի նկարահանումների մասնակցող Դերասաններին Կատարողի ներկայացմամբ հաստատում է Պատվիրատուն:
- 1.3. Կողմերն արձանագրում են, որ Կատարողի կողմից Դերասանների ներգրավումը չի ենթադրում նկարահանվող կոնտենտ(ներ)ի նկատմամբ հեղինակային իրավունքների փոխանցում կամ որևէ այլ կերպ այդպիսի իրավունքների ծավալի փոփոխում:
- 1.4. Կատարողը երաշխավորում է, որ Դերասաններից ձեռք կբերի կոնտենտ(ներ)ի շրջանակներում վերջիններիս նկարահանելու համար ՀՀ օրենսդրությամբ պահանջվող բոլոր համաձայնությունները: Կողմերը համաձայնում են, որ Դերասանների կողմից կոնտենտ(ներ)ի շրջանակներում իրենց նկարահանելու իրավաչափության հետ կապված Պատվիրատուին պահանջ ներկայացվելու դեպքում, Պատվիրատուն նման պահանջի քննությանը պետք է ներգրավի նաև Կատարողին, իսկ Կատարողը պարտավոր է հատուցել այդպիսի պահանջի ներկայացման հետ կապված Պատվիրատուի կրած բոլոր վնասները:
- 1.5. Կողմերն արձանագրում են, որ կոնտենտ(ներ)ի նկարահանման օր(եր)ը, ժամ(եր)ը կամ նկարահանման տևողությունը որևէ կերպ չեն անդրադառնում սույն Պայմանագրով սահմանված Ծառայությունների մատուցման արժեքի վրա:
- 1.6. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:
- 1.7. Հաշվի առնելով այն հանգամանքը, որ սույն Պայմանագրի շրջանակներում Ծառայությունները մատուցվում են 2020թ. օգոստոսի 22-ից սկսած, Կողմերը համաձայնում են, որ սույն Պայմանագրի

պայմանների կիրառվում են Կողմերի միջև 2020թ. օգոստոսի 22-ից ծագած հարաբերությունների նկատմամբ:

- 1.8. Ծառայությունները ենթակա են մատուցման մինչև 2020թ.-ի սեպտեմբերի 10-ը: Սույն Պայմանագրով մատուցվելիք Ծառայությունների շրջանակներում ընդգրկվող առանձին գործողությունների կատարման ձևաչափը, եղանակները, ժամկետները Կողմերի կողմից համաձայնեցվում են Կողմերի՝ սույն Պայմանագրի կատարման համար պատասխանատու ներկայացուցիչների միջև տեղեկությունների փոխանակման միջոցով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրագրուն իրավունք ունի՝

2.1.1. Կատարողից պահանջել սույն Պայմանագրով նախատեսված Ծառայությունները մատուցել պատշաճ որակով, ամբողջությամբ և սույն Պայմանագրով սահմանված ժամկետում:

2.1.2. Ցանկացած ժամանակ ստուգել Կատարողի կողմից մատուցվող Ծառայությունների ընթացքը և որակը՝ առանց միջամտելու վերջինիս գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը:

2.1.3. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս:

2.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ:

2.1.5. Կատարողի կողմից Ծառայությունները թերություններով մատուցվելու դեպքում, երբ Կատարողը Պատվիրատուի սահմանած ողջամիտ ժամկետում չի վերացնում մատուցված Ծառայությունների արդյունքում հայտնաբերված թերությունները՝

i. Պատվիրել այլ անձի վերացնել Կատարողի թույլ տված թերությունները և պահանջել Կատարողից հատուցել այդպիսի թերությունների վերացման համար իր կատարած ծախսերը,

ii. Սույն Պայմանագրի 2.1.6 կետի ii ենթակետով սահմանված կարգով միակողմանի լուծել սույն Պայմանագիրը:

2.1.6. Միակողմանիորեն լուծել սույն Պայմանագիրը և պահանջել վնասների հատուցում, եթե՝

i. Կատարողը ժամանակին չի սկսում Ծառայությունների մատուցումը կամ Ծառայությունները մատուցում է այնքան դանդաղ, որ դրանց ժամանակին ավարտը դառնում է ակնհայտ անհնար,

ii. Ծառայությունների մատուցման ժամանակ ակնհայտ է դառնում, որ դրանք պատշաճ չեն մատուցվելու և առկա թերությունների վերացման համար Պատվիրատուի նշանակված ողջամիտ ժամկետում այդպիսի թերությունները Կատարողի կողմից չեն վերացվում,

iii. Կատարողն այլ կերպ թույլ է տալիս սույն Պայմանագրի էական խախտում:

2.1.7. Պահանջել Կատարողից ամբողջությամբ հատուցել Ծառայությունների մատուցման ընթացքում Պատվիրատուին պատճառված վնասը՝ ներառյալ բաց թողնված օգուտը:

2.2. Պատվիրագրուն պարտավոր է՝

2.2.1. Ողջամտության սահմաններում Կատարողին ապահովել սույն Պայմանագրի պատշաճ կատարման համար անհրաժեշտ պայմաններով, ներառյալ, բայց չսահմանափակվելով, Կատարողին տեղեկացնել կոնտենտ(ներ)ի նկարահանումների ժամի և վայրի մասին, ապահովել Դերասանների՝ նկարահանումների վայր մուտքի թույլտվությունը և այլն,

2.2.2. Աջակցել Կատարողին Ծառայությունները հանձնելիս,

2.2.3. Վճարել Կատարողին պատշաճ մատուցված Ծառայությունների համար սույն Պայմանագրով սահմանված չափով, կարգով և ժամկետում:

2.3. Կատարողն իրավունք ունի՝

2.3.1. Պատվիրատուից պահանջել ապահովել իրեն սույն Պայմանագրի 2.2.1 կետով սահմանված պայմաններով,

2.3.2. Պատվիրատուից պահանջել ընդունել պատշաճ մատուցված Ծառայությունները,

2.3.3. Պատվիրատուից պահանջել մատուցված Ծառայությունների դիմաց վճարել սույն Պայմանագրով սահմանված կարգով, չափով և ժամկետում, իսկ կետանցի դեպքում վճարել նաև՝ սույն Պայմանագրի 5.5. կետով սահմանված տույժը:

2.4. Կատարողը պարտավոր է՝

- 2.4.1. Ծառայությունները մատուցել ամբողջությամբ, սույն Պայմանագրով նախատեսված ժամկետում և պատշաճ որակով,
- 2.4.2. Կատարել Ծառայությունների մատուցման կապակցությամբ Պատվիրատուի տված ողջամիտ ցուցումները, եթե դրանք չեն հակասում սույն Պայմանագրին, կիրառելի օրենսդրության պահանջներին, ներառյալ, բայց չսահմանափակվելով, Դերասանների լուսանկարների, անձնական տվյալների (անուն, ազգանուն) տրամադրում,
- 2.4.3. Ապահովել Դերասանների մասնակցությունը կոնտենտ(ներ)ի նկարահանում(ներ)ին և նկարահանում(ներ)ից առնվազն 30 (երեսուն) րոպե առաջ Պատվիրատուի՝ սույն Պայմանագրի կատարման համար պատասխանատու ներկայացուցչի կողմից նշված վայր, պատշաճ արտաքին տեսքով ներկայանալը,
- 2.4.4. Պատասխանատվություն կրել Ծառայությունների մատուցման ժամկետի խախտման համար՝ վճարելով սույն Պայմանագրի 5.2. կետով նախատեսված տույժը և հատուցելով կետանցով Պատվիրատուին պատճառված վնասները,
- 2.4.5. Սույն Պայմանագրի 2.1.6. կետով նախատեսված հիմքերով Պայմանագրի լուծման դեպքում հատուցել Պատվիրատուին պատճառված վնասները և վճարել սույն Պայմանագրով նախատեսված տուժանքը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրով նախատեսված 1 (մեկ) դերասանի տրամադրման արժեքը կազմում է 60 850 (վաթսուն հազար ութ հարյուր հիսուն) ՀՀ դրամ, ըստ այդմ Ծառայությունների ընդհանուր արժեքը կազմում է 243 400 (երկու հարյուր քառասուններեք հազար չորս հարյուր) ՀՀ դրամ, որը ներառում է ՀՀ օրենսդրությամբ սահմանված հարկերը և այլ պարտադիր վճարները:
- 3.2. Պատվիրատուն մատուցված Ծառայությունների դիմաց վճարումն իրականացնում է հանձնման-ընդունման ակտի և հաշիվ-վավերագրի երկկողմանի հաստատվելուց 30 (երեսուն) աշխատանքային օրվա ընթացքում:
- 3.3. Սույն Պայմանագրով վճարումներն իրականացվում են անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

- 4.1. Ծառայությունները մատուցելուց 2 (երկու) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-վավերագիրը:
- 4.2. Հանձնման-ընդունման ակտը ներկայացնելու օրվանից 5 (հինգ) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը:
- 4.3. Հանձնման-ընդունման ակտը սույն Պայմանագրի 4.2. կետում նշված ժամկետում ստորագրվում է, եթե մատուցված Ծառայությունները համապատասխանում են Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման ակտը չի ստորագրվում և
 - i. Կողմերը կազմում են երկկողմ ակտ՝ թվարկելով հայտնաբերված թերությունների վերացման համար անհրաժեշտ և Կատարողի կողմից անհատույց մատուցման ենթակա Ծառայությունները և դրանց մատուցման ողջամիտ ժամկետները.
 - ii. Պատվիրատուն Կատարողի նկատմամբ կիրառում է սույն Պայմանագրով նախատեսված պատասխանատվության միջոցները:

- 4.4. Եթե Պայմանագրի 4.2. կետով սահմանված ժամկետում Պատվիրատուն չի ընդունում մատուցված Ծառայությունների արդյունքը կամ չի մերժում դրանց ընդունումը, ապա մատուցված Ծառայությունները համարվում են ընդունված և Պայմանագրի 4.2. կետով սահմանված վերջնաժամկետին հաջորդող առաջին աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման ակտը և հաշիվ-վավերագիրը:
- 4.5. Եթե Պատվիրատուն Ծառայություններն ընդունում է առանց սույն Պայմանագրի 4.2. կետով սահմանված ժամկետում դրանց արդյունքների ստուգման, ապա զրկվում է Ծառայությունների այն թերությունները վկայակոչելու իրավունքից, որոնք կարող էին հայտնաբերվել մատուցված Ծառայությունների արդյունքը սովորական եղանակով ընդունելու ժամանակ (բացահայտ թերություններ):

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կատարողը պատասխանատվություն է կրում մատուցված Ծառայությունների որակի և դրանց մատուցման ժամկետի պահպանման համար:
- 5.2. Ծառայությունների մատուցման ժամկետը խախտելու դեպքում Կատարողից կետանցի յուրաքանչյուր օրվա համար գանձվում է տույժ՝ Պայմանագրի ընդհանուր արժեքի 0,1 (զրո ամբողջ մեկ տասնորդական) տոկոսի չափով:
- 5.3. Մատուցված Ծառայությունների արդյունքը Պայմանագրի 4.3. կետով նախատեսված հիմքով չընդունվելու, ինչպես նաև 2.1.6. կետով նախատեսված կարգով Պայմանագիրը լուծվելու դեպքում Կատարողից գանձվում է տուգանք՝ Պայմանագրի ընդհանուր արժեքի 10 (տասը) տոկոսի չափով:
- 5.4. Պայմանագրի 5.2. և 5.3. կետերով նախատեսված տույժը և տուգանքը հաշվարկվում և հաշվանցվում են Կատարողին վճարվող գումարներից:
- 5.5. Մատուցված Ծառայությունների համար վճարելու սույն Պայմանագրով սահմանված ժամկետի խախտման դեպքում Պատվիրատուից կետանցի յուրաքանչյուր օրվա համար գանձվում է տույժ՝ վճարման ենթակա, սակայն չվճարված գումարի 0,1 (զրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.6. Տուգանքի վճարումը Կողմերին չի ազատում իրենց պայմանագրային պարտավորությունները կատարելուց:
- 5.7. Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱՃՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը ստորագրելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին, Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող կամ Ծառայությունների մատուցման ընթացքում Կատարողին Պատվիրատուի վերաբերյալ հայտնի դարձած ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է) գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության, պետական

մարմինների, դատարանների պաշտոնական հարցումների կամ ՀՀ օրենսդրությամբ նախատեսված այլ դեպքերի:

- 7.2. Կողմերը պարտավոր են սույն Պայմանագրի գործողության, ինչպես նաև հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓՈՎԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցել երրորդ անձի առանց մյուս Կողմի գրավոր համաձայնության:
- 8.4. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.5. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված և կնքված է (կնիքի առկայության դեպքում) Կողմերի կողմից:
- 8.6. Սույն Պայմանագիրը կարող է վաղաժամկետ լուծվել սույն Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ:
- 8.7. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով կամ Կողմերի համաձայնությամբ նախատեսված այլ եղանակներով:
- 8.8. Սույն Պայմանագրի կատարման ընթացքում Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.9. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.10. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.11. Պայմանագրով նախատեսված մի Կողմի իրավունքին համապատասխանում է մյուս Կողմի պարտավորությունը՝ ապահովելու այդ իրավունքի իրացումը:
- 8.12. Կողմերն արձանագրում են, որ սույն Պայմանագրի ստորագրման պահին Առողջապահության համաշխարհային կազմակերպության կողմից որպես պանդեմիա որակված կորոնավիրուսի տարածումը կանխարգելելու նպատակով Հայաստանի Հանրապետությունում հայտարարված է արտակարգ դրություն, իսկ պարետի որոշումներով Հայաստանի Հանրապետության ողջ տարածքում կիրառվում են արտակարգ դրության իրավական ռեժիմով պայմանավորված սահմանափակումներ, ինչից ելնելով, Կողմերը ղեկավարվելով ՀՀ քաղաքացիական օրենսգրքի 450-րդ հոդվածի 3-րդ մասով սահմանված իրավական հնարավորությունից, սույն Պայմանագիրը ստորագրում են Պայմանագրի ստորագրված օրինակների լուսապատճեններն էլեկտրոնային փոստով փոխանակելու միջոցով:
- 8.13. Կողմերը գիտակցում և ընդունում են, որ սույն Պայմանագրի ստորագրման պահին Առողջապահության համաշխարհային կազմակերպության կողմից որպես պանդեմիա որակված կորոնավիրուսի տարածումը կանխարգելելու նպատակով Հայաստանի Հանրապետությունում հայտարարված արտակարգ դրությունը չի խոչընդոտում Պայմանագրով սահմանված պարտավորությունների բարեխիղճ և

քարեխիղճ և ժամանակին կատարմանը, ուստի, Կողմերը զրկվում են հետագայում Պայմանագրով սահմանված պարտավորությունները ոչ պատշաճ կատարելու դեպքում որպես հիմք Հայաստանի Հանրապետությունում հայտարարված արտակարգ դրությունը վկայակոչելու իրավունքից:

8.14. Այսին Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային
հեռուստաընկերություն» ՓԲԸ
Հասցե՝ ՀՀ ք. Երևան, Գ. Հովսեփյան 26

ՀՎՀՀ՝ 01540062
«Արդշինբանկ» ՓԲԸ
ՀՎՀ՝ 2470102796740000

Ա. Սարգսյան

Գործադիր տնօրենի ժ/



Կատարող

«Ինդիվիդուալ կաստինգ» ՍՊԸ

Իրավաբանական հասցե՝ ՀՀ, ք. Երևան,
Բոլուսովի 19, բն. 19
ՀՎՀՀ՝ 02246615
«Հայէկոնտոմբանկ» ԲԲԸ
ՀՎՀ՝ 163018109914

